

楚中文筆增錄

光緒丁丑夏五月  
世愚姪雷以誠題

和6  
1.062



門八和16  
稀1062  
卷

楚中文筆附錄

阮福輯孫覲傳校

曾孫楚  
二等侍

福讀 先文達公定香亭筆談序畧云余督學  
浙江時隨筆疏記近事名曰定香亭筆談戊午  
冬日滿任還京陳生雲伯手寫一帙已未冬撫  
浙雲伯諸生始重訂正而刊之云云又卷二記  
云余大父招勇將軍於乾隆五年征苗有戰績  
家遺佩刀澹川作詩後兩浙詩人繼有作者云  
云福案曾祖招勇將軍寶刀歌數首均出浙人



明治三十九年十一月八日  
市島館長 氏書

手筆非楚人作然詠事紀功所載郡縣山川皆  
爲楚地附刊於楚中文筆合乎情理且可知曾  
祖昔年英武過人受降止殺動中機宜也

招勇將軍寶刀歌

秀水 吳文溥 澹川

將軍偉然淮海豪身長九尺腰帶刀讀書萬卷不  
得意要扶鼇極搏鵬霄天生奇才必有用持戟殿  
前色飛動名標宿衛蒞親軍出試戎韜歷蠻洞乃  
者紅苗暗九谿苗氛毒漲谿東西夾岸旌旗天香

杳萬山鼓角風淒淒將軍手提三尺鐵夜半橫行  
入虎穴飛落空中霹靂聲白是刀光赤人血五寨  
榛蕪路已通南山嶠負尙潛蹤爾時總制張經畧  
馳檄將軍趨首功將軍突出間道口矢石在前追  
在後裹瘡轉戰九死餘縋險梯空身不有捷書申  
報大府來枷杻赤立啼塵埃力勸受降止盡殺豈  
知骸骨盡成灰橫坡老稚將不免苦賴將軍巧殘  
喘好生惡殺天地心忍以民命同雞犬至今九谿

千萬家將軍功德流無涯試看當時寶刀在英靈  
出匣生風沙不見于公駟馬呂虔佩早卜他年子  
孫貴公侯將相非偶然義結仁深動天地此刀殺  
人復活人蛟龍氣涵江海春寄語世間報恩子勿  
棄螻蟻爭麒麟

朱彭

秋河閃閃明星高當天拔鞘天爲搖鯨鯢可斷鐵  
可截瞥見百鍊將軍刀將軍起家備宿衛八尺身

長氣精銳引滿時彎玉靶弓騰空獨縱金絲轡龍  
鱗袋貯呂虔刀獨立昂藏一戎帥憶昔旌麾駐九  
谿跳梁狺狺喧鼓輦青布纏髻身裹皮短刀林立  
利若犀懸崖絕壁紛攀躋綿亘山谷連東西狼烟  
冲天鳥不集將軍提刀竟深入一片刀光電影飛  
鹿駭狼奔盡驚逸五寨居然一日平報捷軍門抑  
何疾南山大箐賊尙屯將軍間道披荆榛墮坑傷  
足不暇捫直搗巢穴清餘氛生擒俘虜幾千輩苗

欲乞生向刀拜將軍殺叛不殺降那忍株連同拔  
薤後車捆載獲芻糧勁卒搜羅陳器械笳鼓喧闐  
奏凱還饒歌作罷真雄快餘苗歸洞荷生成謀建  
生祠奠醪醴歌呼跳月醉蘆酒五十餘年慶太  
平近傳騷動辰州旁出洞標掠還遠颺嗚呼安得  
再生將軍鎮苗疆寶刀買牛輸官倉 聖世服疇  
歌樂康

仁和 湯禮祥

將軍一身萬人敵腰橫寶刀鐵三尺飛空一片雪  
霜寒壁壘旌旗盡無色昔年奉檄征紅苗九谿寨  
前殺氣高負力恃險黠且驕深林密箐愁猿猱黃  
雲慘慘黑風急將軍提刀出復入戰血模糊戰袍  
赤髑髏滿地行不得捷報軍門五寨平南山餘孽  
尙縱橫此時再戰兵再接萬帳降人馬前泣將軍  
受降不殺降降苗羅拜歸苗疆戰績戎韜邁前代  
犵狫聞名說遺愛至今重人兼重刀不數區區呂

虔佩酒酣月落共摩秒蛟龍躍出腥風多若將此  
刀鎮蠻府威靈所到無兵戈君不見漢家將軍馬  
伏波天南銅柱高峩峩

平湖朱爲弼耕堂

靈臺偃伯清妖氛平苗之績推將軍將軍已往佩  
刀在凌烟玉具同銘勲鷓鴣碎花露鋹鏐螭獸喪  
膽逃紛紜何年金精司鼓鑄拔鞘迸落星辰紋苗  
民當日肆劫掠九谿賊砦屯如蟲飛毛坪前檄馳

羽龍家溪畔鳴鼓鼗將軍提刀奮神勇電光閃處  
開風雲短兵相接斬萬級呼聲震谷迴斜曛餘賊  
橫坡息殘喘神風所值破竹分渠魁旣殲欃槍落  
刀乎此日無乃勤將軍凱旋報經畧自洗血刃湖  
之瀆雅歌投壺整以暇部勒諸將屯輓轅腰間三  
尺示不用纏以鹿皮裹元纁降苗如蟻來紛紛男  
者面縛女足馱經畧大駭聲矜礮將軍入辨色聞  
聞奈何崑岡玉石焚遂開軍門受降虜白虎秋氣

化作春氤氳至今祠廟峙銅柱

辰州苗疆有銅柱乃馬楚時所立見

吳任臣十國春秋

苗民奔走薦苾芬秋堂傳觀奇寶出蛟

龍白日氣員員忠仁之心脫光守匣中夜吼聲不

聞從來民將不贖武必有哲嗣光斯文將軍文孫

今昌黎泰山北斗士望殷寶此赤刀作大訓文章

黼黻佐 聖君行看奕世偉鐘鼎呂虔三公何足

云

錢塘

陳文杰

雲伯

風棱滿堂秋氣來寶刀出匣驚龍雷星辰搖搖海

水立白虹一劃青天開將軍昔日初通籍入值明

光親執戟腰間三尺青芙蓉英風顧盼生顏色

詔書命典荆江兵獍花狁鳥迎雙旌戰氛欲起白

日暗寶刀夜作蛟龍鳴苗人鑄刀尺有咫鵝膏如

雪洗龍子一夜狼烟九谿起短刀林立三百里萬

夫斫陣聲震天將軍突出為眾先霹靂在手陰風

旋鬪體墮地輕於烟九谿寇黨南山連負嵎虎踞

崇山巔絕險轉戰驚飛仙苗降爭拜刀光前令嚴  
殺賊不殺民以殺止殺全窮鱗寶刀拭淨不復用  
戰場花草生青畏威戴德苗心死從此苗人不  
反矣甲兵洗淨事春農匣中刀卧銀河水淮南學  
士將軍孫秋濤三折開龍門家傳文武世忠孝手  
編家乘書前勲秋夜沈沈月如練滿堂賓客開文  
讌寶刀捧出四筵驚一片寒光射人面想當盪決  
陣雲開萬馬聲中激飛電百戰歸來血洗凌健兒

十萬傳觀獨古來戰績紀紛紛殺戮成功從未聞  
君不見秦國銳頭白豎子漢家猿臂李將軍



鄂歸贈行詩

刑部雷以誠咸寧  
侍郎

金帶圍腰宰相徵廣平作賦別爭能近來怕說揚  
州夢書屋檐前覓友朋

調鼎當年仰 太師歸田八十豈嫌遲樂天罷郡  
同君喜索笑衝寒寫一枝

蘆洲數頃足生涯况有文樓好住家爭是梅妻兼  
鶴子閒情逸致樂年華

黃鶴飛來似有知樓頭吹笛是何時送行不唱梅花曲隨手書將驛使詩

同治庚午冬賜卿世叔年已七十致仕將歸揚州故里因寫梅花一幅并題拙句四首致贈

直隸候補道 彭崧毓 江夏

片帆遙指綠楊城笑折梅花當贈行莫道腰無十萬貫讓牠鶴背御風輕

滇西曾記舊交游屢勸歸休不肯休昔大理唐補卿太守年七

十予壽以聯句其未云更想到腰纏騎鶴前生畢福分信修來蓋諷之也而不見聽卒及於難竟讓君修得到果然安穩住揚州丈顏其居曰安穩小築

七十懸車未是遲江邊黃鶴信西辭君家盛事吾猶記太傅年高 予告時昔 文達公七十五歲 予告歸優游林

下又若干年今丈繼之信不易得也

湖北候補道 胡鳳丹 蘭溪

五年同宦武昌城忽唱鸚歌送客行莫笑歸裝太蕭瑟風流琴鶴一船輕

憶昔平山載酒游買鄰何日共歸休思量廿四橋  
邊月占盡江南第一州

別君太速識君遲珍重臨歧互贈辭君宦楚二十餘年余自丙寅來鄂

晤君面算到歸期春有腳梅花閣上看花時

賜卿太守家居揚州宦楚有年時將解組歸田  
作此送之用彭漁帆廉訪贈行原韻

湖北候補府丁柔克 泰州

黃鶴磯頭我送君人生聚散等煙雲非關珠網能

招飲爲愛鄉關月二分

冊載黃梁熟宦情飄然歸去一舟輕客裝惟載鬱

林石遮莫人傳衣錦榮

太傅祠堂積翠重依然三徑鞠和松羨君繼志能

繩武不作猖狂阮嗣宗

君得歸休我未休與君同里住揚州君親我得涓

埃報杖履追陪物外游

方外蓮衣量雲俗家 浙江

曾記黃灣茶話時翩翩公子玉山巖

道光三年君就姻浙西邕

遊於高明寺

誰知五十年間事一笑相看鬢似絲

清貧太守信家傳幻海升沉聽自然從此楚山邗

水畔教人羨煞地行仙

蘆洲老屋播清風世代簪纓誰與同可惜趙家舊

雙研

太傅督兩粵時曾携兩研歸里

楚人一炬劫灰中

故山猿鶴久思歸

靈芝寺燬於粵匪庚申至今已十年矣

重結茅龕

願尚違它日扁舟能見訪阮墩恰對竹閒扉

阮墩為太

傅撫浙濬西湖葑草所積去任後士民築亭立碑刊阮公敦三大字于平湖秋月之側

賜卿先生五十年前舊好也同治己巳春重晤

於鄂垣正覺寺烹茗話舊雙鑠藹然難忘江鄉

風月庚午冬懸車告退雞助可棄高尙誰同空

山無物贈行作短句四首為他日雲萍之券

歲貢

車元春

儀徵

二老匆匆唱渭城

雷藿郊彭漁帆兩先生皆有贈行之作

留君不住

送君行布帆無恙西風裏廉吏歸裝一葉輕

抽身宦海任優游作德由來心日休罷郡詩懷誰

復似韋蘇州與白江州

萬書堆裏好栖遲

先生云揚州故第未毀於兵燹為孫衆多因住于塾

春酒

梅花醉莫辭勛業文章付兒輩林泉怡志趁今時

怡志林泉

大傅

予告後親領之

宸翰也

先生自今伊始其必以

大傅之

樂為樂矣

庚午冬日賜卿鄉世丈解組歸田卽次漁帆先

生韻以贈之

湖北江徐兆英 江都

古來七十重懸車

公今歲同七十雙壽

許恭人

况有家風

賦遂初

太傅文達公亦於七十外予告歸里

米芾宦囊三品石葛洪

行具一船書瀕

公酷嗜奇石書畫臨行裝載甚多

荻花洲上添新詠

文選樓前愛舊廬

公家禮祀洲為陸族之產揚州文選樓舊第猶存

從此

尊鱸鄉味好料應遠勝武昌魚

客年賤子乞歸田已束行裝又改絃

英前歲三次乞病上憲已

許復泥

宦轍本隨劉寵後歸鞭又讓祖生先二分

明月曾相識兩代甘棠定可傳孝通叔岳近宰巴東只惜清貧賢太守揚州雖去少腰纏

賜卿太叔岳丈解組回里倚裝率賦二律以贈

雷侍郎又題一律

根柢蟠虬幾百年清奇骨格望雲烟九霄雨露留餘地萬朵瓊瑤別有天江上臨風曾染翰蜀岡展袂再磨研新枝舊幹交鑽簇永卜調羹後繼先同治庚午冬賜翁世叔致仕旋里曾寫梅致贈并題拙句兼以送行忽忽五年矣因聞平山堂新造落成發興漫游至此得見賜翁年已七十五猶健如舊並以紙索墨梅與詩爰勉為七律

一首聊附雅屬時年届八十有一千里之外久  
別重逢且喜見四世同堂將見五世矣

歸裝未是草

福於道光己酉由農曹出守甘肅平涼以憂  
去官咸豐初守湖北宜昌一任守德安三  
任凡官廿年仕曾再已徒增慚悚敢問喜  
愠耶茲因免子迴避解組歸田戚友投嘉  
什如林勉答長句自述

楚江羈官二十秋上朔彝陵下安州近日止慈爲  
砥犢千九百里乘歸舟記昔先公蒙賜

壽小臣銜

命馳庚郵

公年八十歲癸卯

特頒十賚

天恩稠

先公於癸卯春正八

由農曹回籍

賜壽為大

家廟久置塾左右

江南北二百年來未有之榮

福家城南新第毀於劫火幸城北舊第尚存家廟西塾上為文

選樓幼讀書所今賴賊毀藏書數萬軸僅能文筆

讀書幼在文選樓

北舊第尚存家廟西塾上為文

以樓止始免露處

賊毀藏書數萬軸僅能文筆

重雕鏤

先公全集無存重刻之費僅能將嘉慶

文庭訓為補孝經義漢儒精奧微追求

福曾撰孝經義疏補

十卷

嚴命刊入

自從出仕舊學廢他鄉日月如

水流齊眉笑誌古稀慶四世堂同慚貽謀

福夫婦同庚

翛然歸去無長物奇花怪石羅船頭纏腰羞澀折

腰懶鄉思早達長蘆洲贈詩却喜囊中富短詔長

律珍琳瑯却憶家園有射序春融尚擬鳴金鏃武

闡監試嘗校藝亦和煎茶詠事留先後已未六十

載難將樛櫟光前猷當年得士徧天下後昆誰許

承弓裘

先公於嘉慶己未會試總裁得人最盛

甲子撫浙監臨秋闈有唱和坡公試院煎茶詩事有門生主試半天下句福於道光己未充湖北武闈監試上溯恰六十年家廟東塾有射序



尚擬挽強我勝老兵健身手幸未垂楊生時愁梅柳渡  
 江歲將易春歸人耄樂天游明年立春在今年嘉平之望福冬仲念九  
日自鄂登舟約歲杪方可抵里

途中寄鄂諸詩

守株待兔猶無兔緣木求魚那得魚不若止慈歸  
 去也 先人幸有舊蘆廬

事在必行類騎虎須知虎毒勝春冰若云騎鶴談  
 何易試問腰纏能不能余行囊空乏欲行難必思之籌之彌月始得勢如騎

虎正與騎鶴相背

振舵開頭遇石尤石尤其奈我之舟世間名利人  
 求速我是逍遙物外游

行程阻滯有何尤幾度風狂浪撼舟屢轉昨宵停  
 處泊恍如求劍又回頭舟子欲過行輒不相風屢行屢轉

卅年未見小孤山應共彭郎笑我頑昔日有心雲  
 出岫而今知倦且知還道光庚寅先公命余自滇入京分部先過揚州道

出山側今庚午懸車復觀山容如舊已歷四十年矣

昨宵阻泊花楊鎮今早飛過黃石湖風逆由他風  
順好正如命也任榮枯

蓬窗梅放綠紅黃更有雙株千里香

千里香楚產亦罕有花如

金銀花白小香籐本名千里香今得二株鄂渚親朋如問訊誰教贏得

此清狂

西下夕陽東上月臘纔交半即春回今冬晴久風

塵易我脫風塵帶雨來

十四日日未落時月已東上十五日立春微雨

春淺無風無浪日春初半雨半晴天齊眉舉碗思

前事不意匆匆五十年

余於十二月念七日七月初度夫婦同庚

誰論今是而昨非可得歸時則便歸餞臘衝寒行  
路久到家歲首喜春暉

望江北唱

唐仁王寺僧喜唱望江南復出主一刹未

幾欲歸詩曰當初只欲轉頭銜轉得頭銜

轉不堪何似仁王高閣上倚闌闌唱望江

南李元善每倦游曰吾欲唱望江南矣余

昔以農曹改知府曾任甘肅平涼任楚之  
宜昌三任德安忽忽廿年不為不久較之  
仁王寺僧未免愧愧

昔年京宦轉頭銜二十餘年一夢酣彷彿仁王僧  
鬧唱家居江北望江南

傷懷子匱在隣船况有潼川慟鶴鳴天濶雲低歲  
將暮孤風斷雁不堪聞

次子匱携歸七弟卒於蜀今春觀尚未歸

今年始鬧望江南望得江南何所堪賴有孫兒為

我壽神仙爐闕肉肥甘

余素非肉食者近年齒無畧啖甘美肥肉神仙爐蓋

以確烹肉實以薑酒以紙固封其口燃炭又冒以木桶曰神仙爐其理全在一悶字故氣味完厚

太平府度歲戲作付八齡稚女唱之

莫唱藍關馬不前反歌騎鶴有腰纏風狂留得行人  
人住轉眼今年即去年

行程一月路過千說是歸田未到田且喜今朝船  
泊處太平人度太平年

和金雪舫亦書寄鄂

人從楚尾到吳東，隔歲遲遲爲阻風。處世何能求  
寡過，出山豈必定思功名。場作戲，恆爲長鄉里。閒  
居亦列翁。余於咸豐甲寅五月仕楚時，省城甫西  
經克復，凡官皆屬後至，齒亦最長。西  
望鶴樓春，意闊千般桃李鬪新紅。

小琅嬛文章

福幼不願習帖括，試帖稟請先公先公許之。  
命潛研古學，是以譔有孝經義疏補十卷，經義  
雜記二卷。道光初年，先公命刻入皇  
清經解中音韻之學，亦少涉獵。是以先公擘  
經室全集多所和韻，證注嘉慶丁丑侍節於楚  
所作文。先公刪改，命存數首。曾奉諭云：此時  
年幼，將來年老可以刊之。今忽忽五十餘年年

六十有七亦云老矣擬附文筆之末以承前命  
先公見背後解經之作不復敢舉筆間有古  
今體詩亦棄置之不存稿兒孫輩以錄存請亦  
附刻竊以庭訓久隔悲從中來未之許也既又  
請曰詩注中所識 文達公之遺政遺學層見  
叠出必刊行之乃可惠後學於是諾其請俾閱  
是詩者籍以明掌故於詩之工拙不計焉

黃鶴樓記

丁丑之春余隨 大人至武昌偕受卿季涪兩弟  
登黃鶴樓世所傳荀瓌遇鶴仙賓之地也攷一統  
志漢陽府東北有大別山卽禹貢內方至於大別  
是東有小別山卽楚囊瓦濟漢而陳自小別至於  
大別是西南有黃鵠山而茲樓適據其巔窻開八  
面梯躡三層上參青雲之表下枕黃鵠之頂元和郡縣  
志黃鵠山蛇行而西吸于是日也天氣晴朗風扇  
江其首隆然黃鶴樓枕焉之間致足樂也若夫連江一碧芳草未歇所謂嬰

武洲也思禰正平之才而傷其不遇回顧赤壁則孫劉之所用兵其流風遺烈猶有存焉者乎

一統志今

江漢間言赤壁者五漢川黃州嘉魚江夏惟江夏之說合於史至於崔灝題詩於

上太白復有三登此樓之作騷人墨客千古相望

嗚呼江山之勝地奸雄割據載於前史豪俠篇章

勒於碑石如斯樓者宇內復有幾何余是以憑弔

古今而為之流連不置焉昔者昭勇公官於此

大父實從今 大人又持節于此吾昆弟咸得以

暇時登眺于此遙見風帆雲樹人烟稠雜近聽城中雞犬相聞軍民萬戶乃我

國家承平大一統之景象豈漢唐所能髣髴哉余

年甫十七而獲覽此勝竊謂人生之快事無逾此

者故援筆為記如日欲希風唐人閻伯瑾作則余

何敢 輿地紀勝唐永泰中閻伯瑾撰黃鶴樓記見全唐文

赤壁辨

吳志劉備為曹操所破欲引兵南渡江與魯肅遇

于當陽遂共圖計因進夏口遣諸葛亮詣權權遣周瑜程普等與備并力逆曹公遇於赤壁按夏口在江夏縣乃夏漢二水交滙處也方輿紀要武昌志云操自江陵追備至巴邱遂至赤壁遇周瑜兵大敗取華容道歸圖經云赤壁嘉魚縣蘇軾指黃州赤鼻山爲赤壁誤矣時劉備據樊口進兵逆操遇於赤壁則赤壁當在樊口之上又赤壁初戰操軍不利引次江北則赤壁當在江南無疑魏武之

詩曰西望夏口東望武昌此地是矣今江漢間言赤壁者五漢陽漢川黃州嘉魚江夏也輿地勝覽以爲稱江夏者合於史今履其地而攷之當以嘉魚之赤壁爲據若蘇氏文人作賦家言固不暇少覈實也

湖南九谿慈利封國棟詩文集跋

昔先曾祖琢菴公蒞任九谿時官政事蹟已詳載家大人所撰行狀矣今友人自湖南來出所

藏鈔本封國棟詩文集一冊贈 家大人集未有  
 乾隆十年南谿封國棟隆吉氏欵一行其詩有與  
 琢菴公和答之作及送總戎少公子歸邢上詩  
 一首此乃送 先祖相圃公也又與純一阮長公  
 倡和詩純一公乃 先伯祖也其文有字藏跋一  
 篇內云字藏為 琢菴公所建蓋為城中收惜字  
 紙之地封隆吉為 琢菴公在九谿時所接之文  
 士可知矣集前有選 琢菴公詩三十首詞八闋

有為 琢菴公詩集所未載者又文中有 琢菴  
 公德政碑一篇亦隆吉所撰序德政戰功受降諸  
 事皆與行狀相合惟碑文內尚有捐俸醫藥活人  
 無算一事為行狀所無 家大人曰此事余不及  
 知未叙入行狀今讀此碑益深感愧也 福 奉 家  
 大人命謹記于後且加以篋藏永敬奉之時丁丑  
 仲夏 福案是集在楚毀之於劫光緒丁丑謹識

黃山谷題浯溪摩崖碑詩跋



天寶十五載明皇幸蜀至秋七月太子卽位於靈武問天下士子蘇源明乃薦元結結于是上時議三篇是時也明皇在蜀而中原之存亡不可知所幸者太子卽位得保唐之社稷豈非中興乎故元結作中興頌以大厯六年摩崖刊於浯溪至宋崇寧三年黃山谷來浯溪見碑有感遂作詩誌事並刻於石後其詩云撫軍監國太子事何乃趣取大物爲若是豈肅宗不當卽位耶蓋彼意以爲太子

君行則守有守則從從曰撫軍守曰監國古之制也然此指平居無事之時而言非有事時亦然也且太子從上皇至馬嵬父老遮道欲立太子固辭不受共擁太子馬不得行乃使倣馳白上上曰天也宣旨欲傳位太子太子不受至秋七月始卽位若是則太子未有卽位之意明矣况上皇見父老共欲立太子尙以爲天意其太子之當立豈不然乎且是時上皇縱楊與安多年矣天下人心未免

少失立新君以召天下勤唐社稷之心重于勤上  
皇亦時勢之可揣而知者元次山頌所謂事有至  
難不得不卽位也若如黃山谷云不取大物而上  
皇與太子俱在蜀則大物將安歸孟子曰民爲貴  
社稷次之君爲輕春秋之義也山谷作詩之後二  
十四年而徽欽二宗蒙塵於北中國無主高宗南  
渡卽位于建康與唐之靈武又何異哉山谷在北  
宋時故有此論不知不合春秋之義設山谷竟身

涉靖康之渡當何以處之范成大驂鸞錄于山谷  
之詩不合于意蓋成大爲南宋之臣也

### 元結贊

次山帝裔有唐良臣時議三篇伊誰可能參謀出  
南全十五城捐除租庸復數萬緡豈獨道州政簡  
風清漫郎非郎匡主靖民平原檄戰渤海刀耕賊  
退作詩民感其仁立石頌德千載留名中興作頌  
意隱詞深浯溪湯湯永鑒此心

小琅嬛詩草

同治癸亥冬長子恩光奉檄權知當陽縣事  
作此誠之並示諸孫

楚之當陽縣西二十五里玉泉景德禪寺  
之左西北偶有 關帝廟名顯烈爲宋

紹興三年賜額咸豐甲寅秋余赴宜昌知  
府任道出其地宿玉泉山寺寺之中庭見  
隋大業鐵鑊 先文達公集中嘗載之次

晨謁顯烈廟額為 先公丁丑督楚簡  
兵經此所題隸書六字曰最先顯聖之地  
旋讀後跋知據唐人碑題余屢欲刊石而  
志未逮憶 先公督楚時省垣及外郡所  
題之字甚多時余年尚幼惜未記載近經  
兵燹更不可考爾權是縣事俟明歲春融  
公餘之暇擇山崖幽僻之地將原額字敬  
撫鏤勒以示後來上溯四十七年之久固

為楚省掌故亦以留當年之手澤焉

長至陽始生祥霽大地布來歲定豐年膏澤洽衆

庶况復格頑苗時苗沛霖甫滅楚疆可無慮西北縣當陽

峯巖萬峰踞記爾初生時 先公在粵署命爾之

乳名六印隆聲譽道光元年先公以兩廣總督兩廣鹽政攝廣東巡撫太平關

稅務廣東學政粵海關稅務同時兼管六印可謂盛矣飴甘便要廉祖訓自

乳哺恩光初生時粵省官紳餽送先公盡行却去有句寫紅菱付福日翡翠珊瑚列滿盤不

教爾手一相拈男兒立志 先公督滇黔命我補

初生日乳飽飴甘便要廉

經註不成秋福誤孝經義疏補十卷命爾字孝通投讀喜無教爾  
今紹縣章廉宜急先務世代守清操爾當期後裕  
廣道冀坦夷毋如我所遇冰心鑑玉泉曲澗涓涓  
注

關聖顯神靈最先卽其處山下寺中庭鐵鑊隋代  
鑄我昔赴彘陵謁廟奉香炷緬想嘉慶中先公  
簡兵駐廟額手親題證以唐人句爾俟春氣融敬  
撫托豪素長孫監摩崖永久成掌故二三孫讀書

金石亦須悟我欲留諸孫無計留之住爾母之精  
神非比昔強固况多家事勞姊姊難盡助仲弟病  
肺深風寒自調護三弟學從軍婦匹待續娶四孫  
寄嶺南問年尙稚孺諸孫坐衙齋不似就外傳近年  
阮囊羞涩不得已令諸孫附學於黃鵠山南金芝圃廣文家既免風雨馳更免  
山蹊步奮黽惜分陰無須勞遠慕九天閭闔開皎  
皎青雲路得路原有梯聰明毋自悞來年遣長孫  
贅姻粵東去歸携四孫來含飴樂朝暮但矢清慎

勤速去勿回顧我看爾帆張穩指漢皋渡我獨返  
江城愁懷向誰訴尋梅散步衢健飯鞍猶據平安  
書報時萬綠春歸樹

丙寅初冬喜得曾孫追憶往事有感

記昔辛巳年長子初生育先公督全粵夷靖海

波伏我生長孫時辛丑受恩沃是年五月福在部學習期滿引

長孫生名觀傳是年夷盜江先公惡其毒是

英夷內犯入江至揚州城河先公函致兩江伊制軍言味利堅向為英夷所懼若優之可使攻擊

伊公入奏及今歲丙寅久夢黃梁熟欲歸胡不歸

無貲尚有屋六十有六年齒脫毛髮禿宦楚十載

餘再仕已再復手澤失空空不返類黃鵠晝夜怒

憂心惟效唐衢哭去冬遣長孫赴粵娶名淑今年

正九秋曾孫育來告富貴本浮雲此實勝爵祿乳

飽便要廉久奉遺訓肅辛巳長子生時先公賜詩有乳飽飽甘便要廉句

屈指計吾家七葉食楚粟文武百餘年食楚吾家

獨福之曾祖考招勇將軍任湖北撫標叅將

祖考光祿公生於署中壯年客游漢皋考文

達公督全楚福知宜昌府事子恩光知當陽縣事孫觀傳隨福任久今在縣署生子我欲別

楚歸歸遂感風木松楸非舊觀阡陌悲躑躅墓木為賊

所聊借一枝棲安穩成小築湖光山色間且吟且

食粥先公昔賜詩有他年小築如安穩山色湖光任爾吟數十年前暗合今之時事可為詩

識轉瞬七十來即此從心欲應有客勸余善待五

世足我當謝客言為養以之福先公謂左傳養之以福古本作養

福

和韻

陳壽圖

乾坤大父母網緼六子育善人後必昌福與德倚

伏本固枝乃茂如桑其葉沃造物栽者培煦嫗復

亭毒君家世德求壽永仁亦熟令子宰當陽保赤

周部屋子又喜生孫曾祖頭未禿四代共一堂思

勤重顧復今日墮地麟他時摩天鵠覃訐試英聲

呱呱啼且哭二老眉齊開此喜胡不淑請看軒冕

者強半窮無告叶入聲鳴鶴絕和音安用盲厚祿亦

有富豪室指困誇魯肅錦綉爾文身膏梁爾食粟

果羸負螟蛉了然形影獨誰如世澤長家衍干名

日傳相定代次恩傳曾孫喜來止秀蘭蔭喬木虎

頭燕領姿定繩高曾躅生年逢寅乳名曰虎勸君且待時夢

卜在板築勸君勿憂貧范公會畫粥富貴亦奚爲

俯仰得所欲五代彈指間卽此萬事足逢吉多子

孫可補疇五福洪範九疇不及多男君於五福之外又增其一

朱慰曾

有民湖厥初載生還載育靈鍾瑞乃彰氣騰理無

伏實遂自光輝根固資膏沃得此公孫祥心何憂

荼毒君有晝夜怒憂心之句况君世簪纓仁涵德養熟福

地自瓊嬛仙居偶林屋君有小瓊嬛仙館之章名堂構繼尊崇

輪蹄笑頑禿君有文武百年餘仕楚吾家獨二語奕葉嗣家聲纘戎

獨紹復矯矯石麒麟翩翩雲鸞鵠英物骨逾奇聲

清試啼哭公望並公才允承兼允淑我亦舊生孫

今轉愧嘉告含館堂上歡私養難希祿止棘同止

桑鵠翼徒肅肅薛家石雖存杜氏田無粟遺安奈



我何此樂惟君獨戲笑聽傳呼曾孫今在目繩

蟄衍螽斯葛藟累膠木摘藻誦先芬揚麻企高躅

原作有述傳相改績之語擢遲吳門歸室且鄂渚築清白有遺

風分甘及茗粥立本德先功昌惟情勝欲富貴倘

然耳君有富貴浮雲語知足足常足千億頌維祺來儀介

景福

袁瓚

學海壯文瀾羣儒感樂育漢學苦久湮賴有投書

伏我本私淑人硯田滋以沃經術仰湛深治理闡

亭毒我師紹家聲父書讀早熟亟命長公子

置我渠渠屋猥令臯比蒙殊愧毛錐秃學經習一

編文筆勤三復公孫自粵歸路指磯頭鵠衍慶詠

曾孫愛聽呱呱哭九月菊花黃秋氣揚清淑干程

路自睽一紙書相告我我祿蔭軒嘉蔭延天祿想

見湯餅筵冠帶齊端肅愧我役戎行經時糜廩粟

手無妙管雙身慨異鄉獨朔風何肅肅繁聲振林

木已逢立雪期矯首瞻芳躅為憶去年冬甥館珠  
 江築羊群幻訪仙魚膾香調粥計時屆彌月達生  
 熨所欲貽謀澤孔長為善日不足祥雲護瓊媛蔚  
 作蒼生福

詞大筆健三吏公將自學龍淵詩題而謝而變  
 此其策泉之野合身山紫和射手靴衣翠翠  
 字海好 酒餘家數父書齋早煖應命對公  
 列姓本公勝人野田歸以天宮南印題翠印壁

